



DS  
793  
S32C523  
1865  
v.2

册	2
卷	2







稷山縣志卷之二

知縣皖南沈鳳翔纂修

建置志

解署坊表舖遞附

辦方正位體國經野以爲民極則建置要哉稷雖  
一邑其難於圖始猶是也地則兩徙勳亦名州蓋  
自晉侯治兵而後於今爲烈矣矧其間政有所由  
施命有所由傳與夫彰善之昭昭者乎事以爲民  
守斯土者宜何如保其難而圖其易也  
王制司空掌邦土度地居民蓋建置興作亦王政



所不廢者稷雖僻邑而城池官舍之制倉廩學校  
之設以暨鄉堡市集之立坊表祠墓之遺固無缺  
且殊也吾覽其剏造而知政治有所由出教養有  
所由隆民人有所由聚往蹟有所由攷要非僅飾  
崇煥侈觀游而已君子凡履其地必思顧其名殫  
其事庶幾於義有當乎蒞斯土者念諸

顧志

稷治在城中偏北初自隋開皇間元至正間縣尹衛  
稷重建段永思有記明洪武間知縣李恭讓永樂  
間知縣趙亨正統間知縣楊春嘉靖間知縣馮應



元子藁孫倌各重修順治二年楊之柄復葺其制  
正堂三楹顏曰節愛儀門三楹大門三楹東西角  
門各一楹正北爲知縣宅六曹廊左右各九楹亂  
後兵火無存順治二年知縣楊之柄設建

還竹軒在宅西園內列竹森然明知縣賈憲建匾云  
友槐亭後孫倌改愛竹軒亂後翠竹殘伐無遺順  
治年知縣姚延啟復植數竿題曰還竹軒今顏其  
堂曰君子東有畱鶴軒卽舊縣丞宅

縣丞宅在節愛堂東前廢地一區卽舊典史廢宅康



熙間縣丞韓應恒開墾鑿井今成蔬圃

典史宅在節愛堂西卽舊主簿宅

積貯庫附堂東左翼明正德間知縣來亨移于堂後  
東偏甃爲重臺構樓其上

出納所又名架閣庫附西北隅

重本臺在堂東北舊爲庫臺知縣王重光改今名以

貯冊籍

戒石亭在堂前

幕廳在堂右今廢

土地祠二一在儀門外一在縣署西



蕭何祠在積貯庫東

寅賓館在大門內偏左今廢

旌善亭在大門外偏右

申明亭在大門外偏左

宣化門卽縣大門萬歷十九年知縣劉一相建梁綱

記崇正十年知縣薛一印建譙樓康熙二十四年

知縣梁永淳重脩題曰聚勝

鐘樓在縣治南

獄在儀門右



臯陶祠在獄內

馬神祠二一在署西一在宣化門外偏東

公廡在縣署西

舊察院在縣治東今廢

舊布政分司在東門內康熙三十四年知縣侯文燦  
改建講堂今爲公館

舊按察分司在縣治東今廢

舊府館在察院西康熙間知縣朱天爵改爲義學乾

隆二十六年知縣韋之瑗增建思文書院於咸豐



六年正廳三楹偶遭回祿至十一年邑侯沈鳳翔  
損貲重建前後大加修葺煥然一新復延師課士  
近日文風丕振稷邑前此因無經費不能延師止  
邑令自行課試自賀雨峰先生宰稷始捐廉延師  
邑侯沈公踵而行之課期較多優賞較厚是以稷  
人士咸爭自濯磨焉

稷向無考院就縣署內試士每遇陰晦士子露立風  
雨中道光己酉知縣王治成取東門內講堂舊基  
創立考院規模宏敞蔚然可觀不惟士子無寒暑



燥濕之苦而一切傳遞弊竇亦從此永絕

僧會司在雨花寺

道會司在城隍廟

陰陽學今廢

醫學今廢

漏澤園在城西靈虛觀西

養濟院在西門外舊在儒學後偏西萬厯年改建

演武場在城西二里

惠民藥局在宣化門西今廢



坊表

后稷古治坊在縣治南明知縣孫倌脩

興賢坊在儒學街知縣孟孔脉重脩後復傾圯基址

僅存同治四年知縣沈鳳翔重建

繡衣坊爲御史史瑛立

褒封坊爲御史史貴立

畫錦坊爲叅政甯瑛立

風憲坊二一爲副使史瑛一爲副使任佐立

龍誥褒嘉坊爲長史梁溥立



進士坊七爲李讓李磐甯瑛王衡史瑛高應聘裴賜  
立

雲路坊爲張鸞立

步武坊爲喬深立

拔秀坊爲梁鑄立

父子進士坊爲梁格及子綱立

世美坊爲李琳李璽立

亞元坊二一爲王衡一爲裴賜立

濟美坊爲梁紀立



奪英坊二一爲馬瓊一爲高明立

重光坊爲鄭登立

世科坊爲鄭紹立

亞魁坊二一爲馬璟一爲鄭命立

天府登名坊爲甯渠立

跨鰲坊二一爲解知幾一爲吳忠立

丹桂重芳坊爲王昱立

解元坊爲梁綱立

重褒坊爲裴禮立



紹芳坊爲加傳立

鳳翥坊爲王時濟立

騰霄坊爲史瑛立

三鳳坊爲梁維立

兩世綸褒坊爲趙大典及子懋德立

紫宸嘉孝坊爲孝子梁紀立

詔旌節烈坊爲烈婦鄭氏立

四世進士坊爲王作極立



城池志

關津鎮堡橋梁坊里附

周禮掌固脩城郭溝池樹渠之固以通乎守政司  
險知山林川澤之險而達其道路豈僅以設險守  
國畫郊圻慎封守爲遂盡厥心哉蓋先王之制備  
體用具本末有以周一定之防卽有以結無形之  
固其平時於民之衣食纖細旣罔弗代爲區處而  
民給國事亦均如于其家厚下安宅忘勞忘怨此  
國維所以固古所云在德不在險也茲雖因時制  
宜稍與古異而其坏城郭戒門閭脩鍵閉謹關梁



立心行政無以異也矧稷之西控黃流東衛新絳  
爲言言重鎮乎是在司牧者加之意焉爾語曰衆  
志成城固於金湯有味哉

先王建國以奠民居興百堵於是爲之君師辨上  
下厚風俗制爲祭葬敦崇典禮邑居成而肯構煥  
如有以也但因革不一君子於其時有感焉

劉志

城北枕崑崙岡南距汾水二里隋開皇間改高涼爲  
稷山縣徙治汾水之北城始狃焉周五里十三步

明景泰初知縣胡士寧重修正德五年知縣來亨



增修嘉靖二十三年知縣于藁二十九年知縣楊  
文卿相繼脩葺嘉靖乙卯以地震城垣盡頽隆慶  
元年以虜警知縣孫倌奉檄脩濬城池經始於戊  
辰三月迄九月告成計城厚丈有八尺崇視厚增  
爲丈者二池深爲丈者三濶如之闢門五東曰望  
堯西曰思禹南曰帶汾北曰屏射東北曰引泉門  
各有樓樓皆二層觀甚偉角樓四魁樓一敵臺二  
十有五臺各有亭雉堞千四百有奇各以篋規制  
巍然方伯亢思謙記崇正四年流寇薄城知縣李



燧庭濬池增築內外重垣邑人賴以無恐崇正十一年流寇峰起知縣薛一印奉檄增設敵臺俱燹以磚

國朝順治間知縣姚延啟重修自記康熙元年秋霽雨四旬城垣崩潰一百九十二丈樓臺九座窩鋪一十二所知縣孟孔脉重葺城郭爲之莊觀四十六年知縣謝兆龍復加脩焉

關津

玉璧關城在縣西南一十二里西魏王思政築遺趾



屹然後爲玉壁渡

後周勲州故城在今縣西南十二里卽玉壁城爲

周氏重鎮齊神武再攻圍皆不克

通典

玉壁乃西魏大統八年王思政所築齊神武攻圍

不克至十二年韋孝寬守之齊神武又攻圍六旬

不克

通考

魏大統八年十月齊神武侵汾絳圍玉壁周太祖

出軍蒲坂將擊之軍至皂莢齊神武退周太祖度

汾追之遂遁去



玉壁城中無水汲於汾齊神武移汾一夕而畢無水而城仍不下是水道尚存也

齊神武攻周玉壁士卒死者甚衆神武恚憤疾發周文下令曰高歡鼠子親犯玉壁劍努一發元凶自斃神武聞之勉坐以安士衆悉引諸貴子使斛律金唱勅勒歌神武自和之

武定四年八月齊獻武王自鄴帥衆西伐文襄王會於晉州九月圍玉壁以挑之

西魏廢帝元年以大將軍達奚武出鎮玉壁



西魏大都督楊忠與怡峰解玉璧圍

隋爲高梁縣後徙汾北故城址尚存

華峪城在縣西北二十里北齊右丞相斛律公築今  
爲華峪鎮又有斛律光寨在峪口村北

周天和五年冬齊將斛律明月寇邊於汾北築城  
自華峪至於龍門六年正月詔柱國齊公憲率師  
禦之三月己酉憲自龍門渡河斛律明月退保華  
峪憲攻拔其新築五城

平隴城卽高歡城在縣西五里斛律光築今爲平隴



鎮

武平二年斛律光率衆築平隴衛壁統戎等鎮戍  
十有三所

玉壁渡在縣西南十二里汾水之陰元魏置關後爲  
渡

荆平渡在縣南三里

楊村渡在縣西南十里

薛村渡在縣西南二十里

范曲渡在縣東南五里



費村渡在縣東南十里

崔村渡在縣東南二十里

堡鎮

吳城堡在縣西十里

下廸堡卽下廸鎮在縣西二十里

管村堡在縣東十里

大杜堡卽大杜鎮在縣東北二十里以上四堡明嘉

靖二十二年知縣于藁築以脩盜

小河鎮在縣南十五里



華峪鎮在縣西北二十里

翟店鎮在縣西南三十里

橋梁

通濟橋在縣南三里汾河荆平渡口明萬歷間知縣

薛承教創設冬建夏拆歲以爲常設老人專管後

知縣劉三錫捐俸造舡十隻冬建浮橋又一在城

西十里舊名土橋成化間知縣張諒脩改今名邑

人馬宗亮記

利濟橋在縣東北三里邑人史三省史灼重脩



洪濟橋生員史灼重修

小石橋在縣西北里許庠生李蕙李英等募修監生

吳汝琳加修子貢生作梅兩次重修

通峪橋在縣西北五里知縣劉三錫修改名永濟

今廢

廣濟橋在縣東二十里小杜村龍王溝邑民趙

三畏募建

成夫橋在縣南二十五里脩善莊當稷王山水之衝

省祭文世興捐貲構造未完歿妻賀氏繼成

夫志因名

永利橋在縣東北五里澗東村西趙三畏建康熙三

十二年知縣侯文燦重修



萬善橋在縣東五里魚兒灣趙三畏建康熙四十六

年潤東村張洪基等募修

利涉橋在縣東北十五里西社村西

復興橋在縣南三十里翟店鎮西南任振芳等募修

普渡橋在縣西二十五里薛村

汾陽橋在縣西十里吳城村東吳尊德等募修

汾河浮橋有四一在縣南二里許康熙四十二年蘇

騰募修一在苑曲西康熙三十八年劉宏先募修

一在苑曲東一在縣西十里李村一在下費村

廢



通商橋在縣西后土廟前同治三年五年李思學等募金重修

便石橋在縣南二十里西里村

雙義橋在縣南三里乾隆二十七年鄉耆李孔信蘇九川李孔旭張融生員蘇守條劉德淵孫其謹劉大震等募建

禹王橋在西社村東千總張朝棟募化創建工未竣而卒其子州同廷瑄繼之工乃竣邑令黃公

爲之記

利涉橋在葫蘆泉北監生杜映江募化經理創建立



有碑記

坊里

明立五坊二廂三十五里在城曰坊在關曰廂在鄉

曰里每坊廂各隸五里一圖坊隸下胡城北十里陽平

城西北三十里大陽城南二里西塢城南二里苑曲城南十里五里

二圖坊隸胡杜城東八里三界庄城東北三十里武城城東南二十里

小河城南二里姬善城南四里五里三圖坊隸吳城城西

十里下迪城西二里楊史城西二里梁村城西北十五里蔡村城西

南十五里四圖坊隸邢家庄城西北二十里李村城西南十二里



小翟城西南三十里苑梁城西南二十五里西長城西南五十里

五圖坊隸高渠城東北十五里西里城南二十五里西王城南十五里

小陽城南三十里望囑城南十五里五里東關廂隸管村城東

十里小杜城東北二十里李老庄城東北二十里南王中城東北二十里崔

村城東南二十里五里西關廂隸南陽東城西五里小甯城西南三十里

十五里丁庄城東南三十里陽城城東南十五里東衛城西南十五里

五里

國朝歸併里甲知縣楊之柄併爲四坊十五里其一

切公務仍令坊自爲坊里自爲里不相干涉



忠貞坊一圖坊二圖坊苑曲里併

孝義坊三圖坊四圖坊併

廉潔坊五圖坊東關廂併

節義坊西關廂南陽東里併

平和里陽平里加禾里邢家庄里併

管中里管村里南王中里併

西陽囑里西里里西王里小陽里望囑里併

西翟梁里西長里小翟里苑梁里併

小杜里小杜里李老庄里併



小河里仍舊

武城里仍舊

崔陽里崔村里陽城里併

吳史梁里吳城里陽史里梁村里併

蔡衛里蔡村里東衛里小甯里併

李村里仍舊

姬善里仍舊

丁陽里丁庄里大陽里併

高胡里高渠里三胡里併



西塢里仍舊

李村里仍舊

蔡濟里蔡林里東濟里小寨里

蔡林里蔡林里蔡林里蔡林里

蔡林里蔡林里蔡林里蔡林里

蔡林里仍舊

蔡林里仍舊



祀典志

壇廟祠堂附

神與人本一氣也明有禮樂幽有鬼神此鬼神之德所以盛也禮曰有功德於社稷民生禦大災捍大患者則祀之左氏曰先成民而後致力於神非以邀神福實以答神貺也爲天地之功用與萬物相終始有其誠則有其神敬天勤民原歸一理奉爵以告者不得視爲奉行故事矣

昔先王域天下之山川城郭而設之祀凡以爲民也故崇德焉則祀酬功焉則祀能禦大災能捍大



患靡不祀更或以景行高風沐浴先澤俎豆尸祝  
之弗諼斯固其英爽未替宜乎食報於千秋外是  
而習俗相沿淫祠荒祀愚氓惑之君子不道余豈  
敢爲濫觴以啟異說歟

顧志

社稷壇在城西北明洪武間知縣茹伯賢建隆慶元  
年知縣孫倌修壇崇三尺東西二丈五尺南北如  
之四出陞各三級王時濟記康熙六年知縣孟孔  
脉修

風雲雷雨山川壇在城南門外明洪武間知縣茹伯



賢建歲久荒廢至無以藉俎豆隆慶間知縣孫倌  
修周繚以垣方五十尺台崇三尺王時濟記康熙  
六年知縣孟孔脉修

八蜡廟在城南門外明正德五年縣丞姜文詩建隆  
慶元年知縣孫倌修梁維記萬歷間知縣劉三錫  
康熙六年知縣孟孔脉重修

先農壇在城外西南二里雍正三年敕天下郡縣各  
建先農壇頒壇制並祀先農及有司耕籍典式雍  
正五年知縣王夢熊建設如制



城隍廟在縣治西北明洪武間建嘉靖間重修乾隆  
間知縣韋之瑗重修

邑厲壇在城北門外明知縣茹伯賢建孫倌修康熙  
六年知縣孟孔脉重修

后稷廟二一在汾南五十里稷神山頂青峯聳峙石  
城巋然是謂王之寢宮邑八景曰稷峯疊翠卽此  
東南有塔刻后稷明堂四字累朝遵奉明初太常  
定甲以夏四月十七日遣官致祭後邑令代今仍  
之元至正間道士李志貞重建明隆慶元年知縣



孫信脩王時濟記一在縣治西南元至正五年建  
廟後有姜嫄聖母祠段循記明宏治十年重脩東  
西壁繪農功王業圖萬歷三十四年建寢宮螽斯  
宮各三楹天啟間知縣焦浴重脩植栢數十株

義和廟在縣東北十五里中舍村元至正間重脩廟  
後有塚一廟東有三乾隆元年知縣阮汝昭重脩  
廟東三塚繚以周垣庠生賈上疏董其事

禹王廟二一在華峪村元延祐二年建一在西舍村  
關聖廟五一在縣東北隅元中統至正間重葺內有



神刀二欸識宋政和年號古槐二唐宋時物也明

正統間增脩永平路知事張獻言記宏治間重脩

一在縣西南隅一在東門外元至正間建一在大

北門外梁綱建王時濟記一在按察司東

龍王廟二一在縣東一里元至正四年建一在縣治

東乾隆十三年知縣張體銓建

泰伯廟在高渠村有碑

魁星樓在儒學東南城上明嘉靖間縣丞安東建順

治間教諭劉孔揚重脩



文昌閣四一在儒學門東一在城頭東南隅一在縣北李老庄王詔建一在城外東南里許康熙六年知縣孟孔脉創建邑人鄭恂記

漢文帝廟在小甯里寺庄村有碑記乃景帝令郡國立以報德者今廢

韋公廟西魏保定初以韋孝寬立勲玉壁遂於玉壁置勲州宋元祐間建廟明萬歷間知縣李汝器重建東郭外梁綱記

薛萬徹廟在縣西南四十里峩帽嶺今廢有碑



李牧廟在李老庄

斛律光祠北齊并州刺史斛律光守平隴有捍禦功

明萬歷間知縣劉三錫建廟撰記

火神廟在縣治東嘉慶五年建

廉頗廟在廉城村有記

后土祠二一在東北二十里李老庄宋皇祐三年京

兆人段美禱於汾陰祠因立廟汾陽郭田記內有

古栢一株一在城西一里元太定四年達魯花赤

裴世賢脩撰記



真武廟三一在城北三里一在城南一在小北門外  
玉皇廟二一在城東里許一在城北三十里聖王山  
東嶽廟二一在城北三里宋咸平間脩縣尉馬國祥  
記元至正三十年復脩教諭胡大有記一在縣東  
北二十里張家庄  
先天聖母廟在苑曲村

老君廟在城西北三里崑崙山

三靈侯廟在城隍廟東按三侯孚靈侯唐宏威靈侯  
葛雍浹靈侯周武皆周厲王臣諫王不聽適吳會



楚侵吳三人設謀敗之宣王卽位復歸周救太子  
靖王之難明隆慶元年知縣孫倌重修梁綱記

法王廟五一在南陽村一在白池村一在澗東村一  
在太杜村一在路村

梓潼帝君廟五一在太平青龍閣一在馬村一在吳  
城堡一在澗東村一在小杜村

后稷廟之在城內者每歲四月十七日致祭道光丙  
申忽遭回祿殿宇一空厯八載至癸卯知縣李景  
椿捐貲重建費萬金壯麗華美遠過舊制爲一邑



之巨觀

呂祖祠在縣署東花園內爲今知縣沈鳳翔創建

祠堂

二公祠在東郭舊爲何公祠公諱喬新廣昌進士明

成化間以稷山土瘠賦重奏請減夏秋稅糧依折

納籽粒事例報可共減加倍糧數萬兩稷民感其

德立祠崇報明隆慶三年知縣孫倌重建梁綱記

萬曆十二年並祀巡撫辛應乾改今名何東序記

裴文獻公祠在東郭祀唐尙書僕射裴耀卿裔孫裴



利平縣志 卷之二 風俗  
三  
訪建生員裴光遠重脩

世饗堂在城內祀憲副裴賜

二段祠在平隴村明隆慶三年知縣孫倌建梁綱記

靖孝先生祠在東郭祠孝子梁紀檢討趙用光記

劉公生祠在東郭外爲知縣劉圻建王道行記萬厯

四十五年重脩梁蕙記

王公生祠在東郭外爲知縣王豫立建翟綉裳記

甘棠遺愛祠在東郭外爲知縣殷煉苗應元劉一相

李希召吳峻縣丞陳大烈主簿陳堯賓建



召棠萊竹祠在儒學東爲知縣焦浴建

忠義祠在學宮外東偏

節孝祠在縣治南路東偏



功建生祠

世興堂在城內祀趙趙氏

二段祠在平陽村明任學士年知縣孫伯建梁綱記

靖寧先生祠在東平關孝子張紀發祠趙州光記

劉公生祠在與郭外為知縣劉圻建王道行記劉歷

國十五年重修梁綱記

曾孝師在灤南南祖東融縣王豫立慈惠廟梁綱

忠義師在學宮收束融為知縣段孫南建元為一利

呂崇恭在師在灤南學東為知縣孫南建元為一利



學校志

書院訓學鄉飲酒禮附

古聖王設學校以教民自虞以上其名與制典籍  
不詳有虞氏有上庠下庠夏后氏有東序西序殷  
周以後實權輿於此我

朝崇經重儒尤以風勵學宮爲首務駸駸乎駕三代  
而上之况稷邑之民崇節儉知向學有唐魏之遺  
風其被

聖澤更深乎爰考史冊所載制度以及舊志創修始  
末錄爲一門而以書院社學附焉



文廟學宮在縣治東南廣袤一十五畝唐貞元中建  
金貞祐間兵燬元初重建元貞間縣尹鄭辰重修  
邑人段思義記至元間縣尹郭思孝重修韓祚記  
明洪武間知縣茹伯賢李均保宣德間知縣楊春  
俱重修成化十六年知縣張諒重修題名碑絳守  
言芳記宏治間知縣彭檜正德間知縣張延康增  
修教諭郝文瑞記嘉靖間地震圯隆慶二年知縣  
孫倌重修梁綱記萬歷四十年知縣張思恭重修  
王體復記崇正十五年知縣白足長重修



國朝順治間知縣畢際有重葺康熙十九年知縣朱  
天爵三十八年知縣傅宗繼修乾隆二十六年邑  
人段克猷捐貲重修知縣韋之瑗刻石記之嘉慶  
十五年教諭武錫九重修自記

大成殿正殿五楹兩廡東西列各如制殿前爲大成  
門三楹左右角門各一門外名宦鄉賢二祠東西  
向砌石爲池引葫蘆泉水入溉是名泮池水久爲  
民占明嘉靖十二年知縣馮應元復之梁格王昱  
各有記尋塞三十八年縣丞安東疏之梁綱記知



縣孫倌再疏復萬歷三十一年知縣王重光移池  
櫺星門外崇正間知縣李燧庭復移門內康熙六  
年縣丞韓應恒砌池以磚疏渠引水後復塞乾隆  
間知縣錢源龍復之閻廷玠記尋以城內土渠易  
塞邑人段克猷悉甃以磚錢源龍有記大成門直  
前爲櫺星門明嘉靖五年知縣賈憲改建呂柟記  
門外坊二榜曰德配天地道貫古今正東北爲崇  
聖祠舊三楹雍正七年知縣馬永圖改建五楹廟  
後建明倫堂五楹萬歷十三年知縣殷煉順治九



年知縣姚延啟重修堂東西二齋曰進德曰修業  
左右門二曰育才曰道義前有攀龍附鳳坊訓導  
馮惟敬建東南爲祭器庫元至正元年邑人同知  
吳江都事孫郁輸銅器四十一事明景泰間邑人  
甯華輸銅器十五事宏治間僉事伍性毀銅佛爲  
祭器百二十有餘十六年增造一十有八教諭郝  
文瑞記後燬缺康熙間訓導馮惟敬勸輸易銅爵  
以錫瓦豆以木今存儒學北爲尊經閣明宏治間  
知縣彭檜荆建一楹正德間知縣張延康增爲五



楹御史李節義重修教諭郝文瑞記天啟間知縣  
焦浴改建層樓閣西爲教諭訓導宅宅前卽儒學  
門舊有敬一亭在尊經閣前射圃亭在崇聖祠前  
學倉在修業齋南今並廢又邑侯洪公修葺後復  
厯六十年之久風雨飄搖丹青剝落同治四年今  
邑侯沈鳳翔募金重修正殿內外創增臥碑欄干  
泮池中邊添設石屏雲路以及詞廡堂廡無不美  
輪美魚視昔大爲壯觀焉而重道興學之意於茲  
已肇其端云



歷代封號

至聖廟號歷代異稱漢平帝稱宣尼公和帝封褒尊  
侯北魏孝文帝稱文聖宣父後周宣帝封鄒國公  
至宋真宗謚元聖元武宗號大成至聖文宣王明  
洪武初因之肖像南向四配十哲皆於廟中東西  
向俱封公爵從祀諸賢列東西廡凡百有五人皆  
封侯伯其始祀京師國學及曲阜廟而已十年命  
天下通祀之學宮二十九年從行人楊砥之言罷  
楊雄進董仲舒永樂八年進祀元儒吳澄正統二



年進祀宋儒胡安國蔡沈真德秀成化元年有請以楊時從祀者下廷議命有司祀其鄉以羅從彥李侂配宏治八年從祭酒謝鐸之請乃進時從祀嘉靖九年輔臣張璁以正孔子祀典爲請凡五事一曰孔子不宜封王二曰不宜設像三曰不宜十二籩豆樂八佾四曰不宜庭祀顏路曾點孔鯉五曰兩廡諸賢宜更正複謬而以蔡元定歐陽修有功聖門皆宜從祀時行人薛侃亦言陸九淵宜從祀皆下庭議遂命天下學宮皆以孔子像以王稱



至聖先師廟曰先師之廟四配皆稱子十哲以下  
稱先賢某子左丘明以下稱先儒某子春秋祭祀  
國學十籩十豆府州縣八籩八豆樂舞用六佾一  
如國初制別爲叔梁訖立嗣稱啟聖公孔氏以顏  
無繇曾點孔鯉孟孫氏配而程珦朱松蔡元定從  
祀焉改申振申黨爲一公伯寮秦冉顏何苟況戴  
聖劉向賈逵馬融何休王肅杜預吳澄皆罷祀林  
放蘧伯玉鄭衆盧植鄭玄伯虔范甯各祀其鄉增  
祀后倉王通歐陽脩胡瑗陸九淵五人隆慶五年



進薛瑄從祀萬曆十二年進胡居仁陳獻章王守仁從祀四十一年從提學熊尙文請進祀宋儒羅從彥李侗於兩廡至

國朝康熙五十一年升配朱子於大成殿十哲卜子位下五十五年從學正余正建請進宋儒范仲淹從祀雍正二年從廷臣議前明改祀於鄉今宜復祀者四人林放蘧瑗鄭康成范甯前明罷祀而宜復祀者二人秦冉顏何孔孟弟子宜增祀者六人縣廩牧皮樂正子公都子萬章公孫丑漢以下宜



增祀者十四人諸葛亮尹焞魏了翁黃幹陳淳何  
基王柏趙復金履祥許謙陳澥羅欽順蔡清陸隴  
其通行各學一體從祀乾隆二年從尙書甘汝來  
請進元儒吳澄復祀廟庭三年從尙書徐元夢請  
升配有子於十哲卜子位下移朱子於顓孫子下  
又按啟聖祠祠孔子父叔梁紇也舊無祭元至順  
間封齊國公嘉靖九年議以齊國公無祭爲闕典  
又顏曾二子坐堂上而顏之父路曾之父點在廡  
下孔鯉與孟孫氏亦無祭俱於義未當乃請於啟



聖公祠中祀啟聖公叔梁紇配以顏路曾點孔鯉  
孟孫氏而以程灝父珦朱熹父松蔡沈父元定從  
祀焉萬厯二十四年復進周敦頤父輔成從祀位  
在程珦之上至

國朝雍正二年又增祀宋儒張載之父迪從祀啟聖  
祠同治二年以孔子兄孟皮入祀啟聖祠東配位  
第一啟聖公牲帛籩豆視四配東西配視十哲五  
氏視兩廡

國朝雍正元年加封孔子五世曰肇聖王木金父公



裕聖王祈父公詒聖王防叔公昌聖王伯夏公啟

聖王叔梁公改啟聖祠為崇聖宮

從祀姓氏

四配顏回

字子淵魯人

曾參

字子輿魯人

孔伋

字子思鯉之子

孟軻

字

車或曰字子輿鄒人

十哲閔損

字子騫魯人

冉耕

字伯牛魯人

冉雍

字仲弓魯人

宰我

字

我魯人

端木賜

字子貢衛人

冉求

字子有魯人

仲由

字子路卞人

言

偃

字子游吳人

卜商

字子夏衛人

顓孫師

字子張陳人

有若

字子魯

人朱熹

字子晦婺源人



東廡先賢公孫僑

字子產鄭人

林放

魯人

原憲

字子思宋人

南宮

适

字子容魯人

商瞿

字子木魯人

漆雕開

字子若蔡人

司馬耕

字伯

牛宋

梁鱣

字子魚齊人

冉儒

字子魯魯人

伯虔

字子楷魯人

冉季

字子產

漆雕徒父

字子文魯人

漆雕哆

字子斂魯人

公西赤

字子華

任不齊

字子選楚人

公良孺

字子正陳人

公兼定

字子

仲魯

鄭單

家語作縣字子家

罕父黑

家語作宰父黑字子索一字子黑

榮

旂

字子旗魯人

左人郢

字子行魯人

鄭國

家語作薛邦字子徒魯人

原亢

字子籍史記作

廉潔

字子庸衛人

叔仲會

字子期魯人

公西

原亢籍魯人

與如

字子上魯人

邾巽

字子斂家語作邾選魯人

陳亢

字子禽陳人

琴張



一作牢字  
步叔乘字子車  
秦非字子之  
顏噲字子

人顏何字縣亶一云卽  
牧皮  
樂正克  
萬章

周敦頤字茂叔  
程灝字正叔  
邵雍字堯夫

西廡先賢遺瑗字伯玉  
澹臺滅明字子羽  
宓不齊字

賤魯  
公治長字子長  
公皙哀字季沉  
高柴字子羔

樊須字子遲  
商澤字子秀  
巫馬施卽巫馬  
顏幸字

柳魯  
曹卹字子循  
公孫龍家語作寵字  
秦商字子

人顏高字子驕  
穰駟赤字子從  
石作蜀字子明  
公

夏首字子乘  
后處字子里  
齊人  
奚容蒧字子楷  
顏



祖字子襄魯人句井疆一作非疆衛人秦祖字子南秦人縣

成字子橫魯人公祖句茲字子之家語無句字魯人燕伋字子思秦人樂

欬家語作欣魯人狄黑一作墨字皙之衛人孔忠字子蔑史記作弗孔子兄孟皮

之公西蒧字子商魯人顏子僕字子叔魯人施之常字子常魯人

申振字子周左邱明魯人秦冉公明儀公都子

公孫丑齊人張載字子厚郿人程頤字伯淳洛陽人

東廡先儒公羊高齊人伏勝字子賤鄒平人毛亨趙人孔安國字

國孔子十一世孫后蒼字近君東海剡人鄭康成名元高密人范甯

陸贄范仲淹字希人吳縣人歐陽修字永叔廬陵人司馬光字



實夏縣人謝良佐羅從彥字仲素李綱張栻字敬夫

竹人陸九淵字子靜陳淳字安卿真德秀字景元蒲城人

何基文天祥趙復金履祥陳澧方孝

孺薛瑄字德溫胡居仁字叔心羅欽順呂柟

劉宗周孫奇逢陸隴其字稼書

西廡先儒穀梁赤字元始高堂生字伯董仲舒廣川人

毛萇大毛公亨杜子春河間人諸葛亮字孔明王通字仲

淹龍門人韓愈字退之胡瑗字翼之韓琦楊時字仲立

樂人尹焞字彥明胡安國字康侯李侗字愿中呂祖



謙字伯恭 黃幹字直卿 蔡沈字仲默建陽人 魏了翁 王柏

陸秀夫 許衡字仲平河南人 吳澄 許謙金華人 曹端

陳獻章字公輔新會人 蔡清字介夫福建人 王守仁字伯安餘姚人 呂

坤 黃道周 湯斌

崇聖祠

東配先賢孔孟皮忠之父 顏無繇字季路淵之父

孔鯉字伯魚子思父

西配先賢曾點字皙參之父 孟孫激字公宜軻之父

東廡先儒周輔成敦頤之父 程珦灝頤之父



蔡元定沈之父

西廡先儒張迪載之父

朱松熹之父

名宦祠

王思政

韋叔裕

劉仲殷

何喬新

胡仕宣

張諒

董威

高義

于藁

溫季春

吳佐

來亨

李棠

陳明倫

劉一相



林軒

王豫立

楊之柎

鄉賢祠

廉頗

裴守貞

裴耀卿

陳規

姚天福

段克己

段成己

段承祚

甯瑛

王衡

史瑛

任佐

梁紀

梁綱

裴賜

鄭命

姚鏜

任憲

陳設

雍正三年  
頒定



正位禮神制帛一色白磁爵三牛一羊一豕一登一

實以鉶二實以簋二實以黍稷簋二實以稻粱籩十實以形

大羹鹿脯棗栗榛菱豆十實以韭菹菁菹芹菹笋菹醯

芡黑餅白餅酒罇一

四配位每位禮神制帛一色白磁爵三羊一豕一鉶

一實以簋二實以黍稷簋二實以稻粱籩八實以形鹽藁魚

芡豆八實以韭菹菁菹芹菹笋酒罇一

十哲東五位五案又朱子一位一案禮神制帛一色白

白磁爵各一豕一鉶各一實以簋各一實以黍稷各



一實以籩各四實以形鹽豆各四實以苴苴醯豕  
稻實以籩各四實以形鹽棗栗藁魚醯菁苴鹿脯

首一

西五位五案與東五位陳設同

東廡禮神制帛一白銅爵各一豕三每案簋一簋一

籩四豆四實同西廡陳設與東廡同

崇聖祠正位五案每位禮神制帛一白磁爵三羊二

豕一鉶一簋二簋二籩八豆八實同酒罇一

配位每位一案禮神制帛二豕首一每位銅爵三簋

一簋一籩四豆四實同豕肉一



兩廡禮神制帛二每位銅爵三簠一簋一籩四豆四

實同

上 豕肉一

祭儀

春秋二仲月上丁日祭獻官散齋二日致齋一日前

一日演樂省牲祭日三更鼓祭事皆脩鼓再嚴樂

舞生執事者各立丹墀左右鼓三嚴引贊引各獻

官廟內外立通贊唱樂舞生就位樂生各序立於

廟庭奏樂之所兩司節者分引舞生至丹墀東西

兩階各序立於舞佾之位兩司節者退至兩班舞



生之首持節相向立唱執事者司事陪祭者就位  
分獻官就位獻官就位引贊引獻官至拜位引贊  
退位瘞毛血執事者捧毛血正廟中由中門出四  
配十哲兩廡由左右門出瘞於坎遂啟俎蓋唱迎  
神樂奏咸平之曲麾生揚麾樂生擊祝樂作司節  
舉節舞生執籥秉翟而舞叩首再叩首三叩首興  
麾生偃麾樂盡櫟啟司節伏節舞生罷舞唱奠帛  
行初獻禮捧帛者捧帛執爵者執爵引贊引獻官  
詣盥洗所勺水淨巾引詣酒尊所司尊者舉冪酌



酒執爵者捧帛者在獻官前行正廟帛爵由中門  
入四配帛爵由左門入各於神案側立引贊引獻  
官亦由左門入詣至聖先師孔子神位前樂奏  
寧平之曲麾生揚麾樂生擊祝樂作司節舉節舞  
生執籥秉翟而舞獻官跪捧帛者西向跪進帛獻  
官獻帛授接帛者奠於神位前案上執爵者西向  
跪進爵獻官獻爵授接爵者奠於神位前叩首興  
詣讀祝位祝位在香案前引贊引獻官至祝位麾生偃麾  
樂暫止讀祝者跪取祝文退立於獻官左獻官並



各官及讀祝者皆跪讀祝文畢叩首興麾生舉麾  
樂生接奏未終之樂引贊引獻官詣復聖顏子神  
位前跪捧帛者跪進帛於獻官右獻官獻帛授接  
帛者奠於神位前案上執爵者跪進爵於獻官右  
獻官獻爵授接爵者奠於神位前叩首興次詣宗聖  
曾子述聖子思子亞聖孟子神位前儀同復聖復  
位引贊引獻官至原拜位立通贊唱行分獻禮各  
引贊引分獻官詣興洗所勺水淨巾引詣酒尊所  
司尊者舉罍酌酒各引贊引分獻官至十哲兩廡



神前跪捧帛者跪進帛分獻官獻帛授接帛者奠  
於神位前捧爵者跪進爵分獻官獻爵授接爵者  
奠於總案上執事者於各神前自奠一爵叩首興  
復位麾生偃麾樂盡櫟敔司節伏節舞生罷舞通  
贊唱行亞獻禮引贊引獻官詣酒尊所司尊者舉  
罍酌酒詣至聖先師孔夫子神位前樂奏安平  
之曲麾生揚麾樂生擊祝樂作司節舉節舞生執  
籥秉翟而舞儀如初獻四配十哲兩廡亞終二儀  
胥同初獻復位麾生偃麾樂盡櫟敔司節伏節舞



生罷舞通贊唱行終獻禮儀同初獻樂奏景平之  
曲樂作佾舞獻爵諸儀畢復位麾生偃麾樂盡櫟  
敔司節伏節舞生罷舞通贊唱飲福受胙進福酒  
者捧爵進福胙者取正壇羊左肩胙置於盤引贊  
引獻官詣飲福位跪飲福位卽捧福酒者跪進酒

於獻官右獻官受飲以爵授接爵者捧福胙者跪

讀祝位

進胙於獻官右獻官受胙以胙授接胙者由中門

捧出叩首興復位叩首再叩首三叩首各官同唱

徹饌樂奏咸平之曲樂生奏如前式叩首再叩首



三叩首各官同麾生偃麾樂暫止讀祝者捧祝奠  
帛者捧帛各詣瘞所正廟由中門出四配十哲兩  
廡帛由左右門出唱望瘞麾生揚麾接奏前樂引  
贊引獻官分獻官陪祭官至瘞所唱焚文帛九段  
焚訖麾生偃麾樂止復位通贊唱禮畢

崇聖祠同日先祭無樂舞餘儀同

### 新頒樂章

迎神樂奏咸平之章

無舞

大哉孔子先覺先知與天地參萬世之師祥徵麟



紱韻答金絲日月旣揭乾坤清夷

初獻樂奏寧平之章

有舞

予懷明德玉振金聲生民未有展也大成俎豆千

古春秋上丁清酒旣載其香始升

亞獻樂奏安平之章

有舞

式禮莫愆升堂再獻饗協鼓鏞誠孚壘巖肅肅雍

雍譽髦斯彥禮陶樂淑相觀而善

終獻樂奏景平之章

無舞

自古在昔先民有作皮弁祭菜於倫思樂惟天牖



民惟聖時若彛倫攸叙至今本鐸

徹饌樂奏咸平之章  
無舞

先師有言祭則受福四海翼宮疇敢不肅禮成告

徹毋疏毋瀆樂所自生中原有菽

送神樂奏咸平之章  
無舞

鳧繹戕戕洙泗洋洋景行行止流澤無疆聿昭祀

事祀事孔明化我蒸民育我膠庠

樂器  
雍正三年新定

麾

鐘

磬

鼓

搏拊



祝

敵

琴

瑟

排簫

笙

簫

笛

埙

舞器

節

羽

籥

干

戚

祭器

爵

一百五十

登

罇

一十

鉶

二十三

簠

簋

共一百一十

籩

豆

共四百四十四

筐

俎

十二

規條

宋大觀元年詔頒周官六行八刑之法於學宮淳熙



六年御書白鹿洞教條頒天下學立石明洪武初  
令學者專治一經以禮樂射御書數分科設教三  
年定學校射儀十五年頒禁令於天下勒石明倫  
堂謂之臥碑成化三年令提學官躬歷各學督率  
教官化導諸生考驗其優劣而黜陟之嘉靖五年  
御製敬一箴並書宋儒程子視聽言動四箴頒發  
學宮立碑順治九年禮部題奉

欽定條約八款頒刻學宮謂之新臥碑

學額



國朝學校之制多仍明代附學生額無定數穆山係  
中學順治四年每考童生定入學額二十五人十  
七年定額十人武學亦如之康熙元年停貢八年  
復歲貢例定縣學二年貢一人九年定入學額十  
二人十年復恩拔副榜等貢拔選一人十二年定  
三年內歲科兩考考文童二次考武童一次恩拔  
貢生間舉行雍正四年定廩膳增廣生員各二十  
人每歲科兩考各入附學生十五名每歲試入武  
生十五名近年因屢次捐輸加至定額十八名



書院

思文書院在今縣治東南爲府館舊址康熙二十年  
知縣朱天爵改爲義學堂宇迫隘日久廢圯乾隆  
二十六年知縣韋之瑗捐貲倡建移其向背邑中  
好義者各輸金成之凡建講堂三楹正廳三楹前  
後學舍二十楹大門三楹二門一楹花亭牌坊各  
一巽隅建文昌閣規制宏敞易爲書院顏曰思文  
刻石志之

義學



一在城東關

一在小河鎮

一在翟店鎮

一在青龍鎮

一在下廸鎮

一在華峪鎮

一在吳城鎮

一在小杜村

村舊有廟相傳唐杜子美讀書處元大定

間改爲寺雍正六年里人閻鵬起等改爲義學后建文昌廟

典籍

十三經

乾隆三年頒發

易經

四本

書經

八本

詩經

十六本

周禮

八本

儀禮

十本

爾雅

三本

孝經

一本

論語

四本

孟子

六本

春秋左傳

二十本

公羊傳

十本



穀梁傳

六本

禮記

二十本

廿一史

乾隆三年頒發

史記

漢司馬遷

前漢書

漢班固

後漢書

劉宋范蔚宗

三國志

晉陳壽

晉書

唐太宗

宋書

梁沈約

南齊書

梁蕭子顯

梁書

唐姚思廉

陳書

唐姚思廉

魏書

北齊魏收

北齊書

唐李百藥

周書

唐令狐德棻

南史

唐李延壽

北史

唐李延壽

隋書

唐魏徵

唐書

宋歐陽修

五代史

宋歐陽修

宋史

元脫脫等

遼史

元脫脫等

金史

元脫脫等

元史

明宋濂

明史

國朝張廷玉修



欽定周易折衷

十二本

書經傳說

二十本

詩經傳說

二十本

春秋傳說

二十本

康熙字典

四十本

朱子全書

十二本

四書精義

五本

四書解義

十二本

上諭一部

三十四本

學政全書

十二本

欽定四書文

二十本

賓興

府志周禮地官大司徒以鄉三物教萬民而賓興

之後世三年大比行賓興禮蓋其遺意按今大比

之年先試期一月知縣擇吉具啟延致應試諸生



屆期公堂設宴演黎園架彩橋於中門外諸生至  
謁知縣行四拜禮與廣文三揖卽席知縣命送酒  
演劇席前三報酒三巡筵畢諸生簪花披紅由彩  
橋出知縣祖送郊外禮畢

### 鄉飲

每歲正月十五日十月初一日於儒學行禮前一  
日設座習儀至日黎明宰牲具饌速賓介賓介至  
迎拜司揚觶告語讀律令供饌主獻賓介酒反拜  
賓介酬主人交拜介賓三賓以次酌酒飲酒供饌



徹饌各交拜送賓

凡鄉飲酒禮序長幼崇賢良別姦慝坐席高年者德者居上高年淳篤者次之次以齒序其有違條犯法者不許與席有誼譁失禮者揚觶者以禮責之主知縣爲之位於東南大賓以致仕官爲之位於西北僎擇鄉里年高有德之人位於東北介以次長位於西南三賓以賓之次者爲之位於賓主介僎之後除賓介僎外衆賓序齒列坐其僚屬則序爵司正以教職爲之主揚觶以罰贊禮以老成



生員爲之

詩章

初歌鹿鳴之首章

次歌南山之首章

三歌湛露之首章

終歌天保之首章



德者居上而年齒少者居下以前序其有違條  
犯法者不許與席有誼弊失禮者勿解者以禮責  
之主知縣爲之位於東南大賓以致仕官爲之位  
三廡斯嚮之首章年餘燭天幹之首章東北介以  
燭燭與與之首章與大燭南山之首章位於賓主  
介結章後除賓介俱外衆賓序齒列坐其餘屬則  
主賓爲之司飲爲之主揚解以酬贊禮以老爲



田賦志

則壤成賦以佐軍國之需所謂以一人養天下卽以天下奉一人古今之通義也稷爲思文教稼之區其民愿樸急公奉上習與性成矣况經我朝休養生息百數十年富庶之休亘古未有且屢下蠲租之

詔近復定賦役全書詳分等則凡稍有不便於民者盡爲刪汰民生其間何其幸歟唐劉晏之言曰理財之本在乎利民陸贄又曰取民之制在損上而



益下則爲民牧者按籍而征之尙其仰體

朝廷嘉惠元元之意寄撫字於催科焉爾

古者量民授田因田成賦定制也稷爲先教稼穡  
之地民俗勤耒耜習農桑不事逐末樂業輸將其  
風由來舊已自明初變更多事加倍之糧徵而稷  
賦於晉省爲獨重民始不堪命矣積年凋敝重以  
革亂之後戸口散亡土著者無幾近承平日久多  
方撫輯招徠遷徙漸復故額之六七善乎昔人之  
言取之有制則上不損國下不病民寓撫字於催



科吾於後之君子能無厚望乎

心傳

明洪武二十四年原額地四千五百八十一頃九十三畝每畝徵糧八升夏秋稅糧二萬七千三百二十一石七斗五升有奇

洪武三十一年始增加倍糧 邑民李恩告本縣

地窄糧多乞爲蠲免奉旨踏勘將山坡溝澗一概丈量多地二千五百五十餘頃有奇每畝徵糧一斗六升額外加夏秋稅糧二萬六千六百九十一石三斗有奇



景泰四年免荒地糧 知縣傳柔奏本縣荒地二

千一百一十七頃二十三畝免荒糧三千九百六  
十一石五斗四升有奇

成化二十一年折收加倍糧 十八年巡撫何喬

新奏比年以來人民逃竄處處有之而山西爲甚

由土瘠賦重故也如平陽府稷山縣民李恩妄奏

災傷遂有加倍糧色至今輸納艱難以此逃移最

多此等稅糧蠲之則虧原額徵之則人情不堪合

無照衣折納籽粒事例每石折銀三錢草一束折



銀二分解布政司收貯候豐年發邊關買辦糧草  
庶疲民可以復甦奏上以陞去不果行二十年邑  
民張諲乞照何巡撫奏准事例折收呈懇時何以  
刑部侍郎奉

命賑饑山西諲呈適下勘明准其拆收而原額糧  
仍舊全徵

宏治十一年增馬驢糧 額外增涑川驛馬驢糧  
三百六十石歲徵銀四百三十二兩

嘉靖五年增馬牛糧 額外增馬糧一千三百二



石徵銀一千五百六十二兩四錢貼太安同戈兩  
驛牛糧三千四百七十一石徵銀一千七百三十  
五兩五錢貼壽陽遞運所後猗氏人高百萬告除  
嘉靖二十七年始輸大盈倉 加倍糧原無倉口  
可納後被晉府告輸大盈倉王糧歲以爲常

嘉靖三十一年始輸絳州倉 二十八年本縣詳  
准水衝沙壓地七十三頃八十一畝九分該除糧  
六百一十六石一斗四升有奇遂將景泰間免徵  
荒糧復徵抵補有餘剩謂之贏餘三十一年將贏



餘充絳州王糧復以爲常

隆慶三年減加倍站銀 知縣孫倌以加倍不當  
與舊報同折申減加倍站銀之半每年免銀二千  
三百兩有奇

萬歷十三年均丈地糧 九年邑民韓天澤因糧

重弊多告准丈量至是年知縣殷煉始竣其事共  
丈出地七千一百八十七頃四十八畝有奇共糧  
五萬三千九百八十九石一斗有奇 站銀每石  
徵銀六分三釐五毫共銀三千四百三十兩四錢



三分有奇 夏稅一萬三千四百九十一石二斗

五升有奇每石徵銀四錢七釐二毫共銀五千四

百九十四兩五錢三釐有奇秋糧四萬四百六十

五石三斗四升有奇每石徵銀七錢三分五釐一

毫共銀二萬九千七百五十三兩九錢四分有奇

粳米三十二石五斗一升有奇連草每石徵銀一

兩八錢二分有奇共銀五十九兩二錢七分有奇

萬歷二十六年始行條鞭 條鞭之法秋夏均徭

站銀合派徵收每銀一兩每季徵銀二錢五分三



十四年邑民喬應試告稱不便議准春季每兩徵銀一錢四分夏季每兩徵銀一錢九分秋季每兩徵銀三錢七分冬季每兩徵銀三錢

萬歷三十八年減加倍站銀 稷山加倍糧旣屬偏枯故每糧一石止派站糧七合二勺二抄後與各處一例加徵是稷山正額之外旣有加倍而加倍之外又有加倍站糧矣按萬歷三十五年知縣薛承教申稱各省站糧並無加倍名色在疲邑正稅且議優免疲如稷山奈何加倍蒙准查詳知縣



張思恭議稱稷山縣地瘠民貧糧復加倍誠爲偏  
枯請照垣曲免其一半復委知府黃道亨查議議  
得本府站銀有收貯餘銀在庫可以抵補撫按批  
准稷山站銀准免一千兩永不起徵以三十八年  
爲始每糧一石徵站銀四分五釐七毫有奇共徵  
銀二千四百七十二兩四錢三分有奇  
萬歷四十七年加徵遼餉每畝加派銀三釐五毫  
共銀二千五百一十五兩六錢一分有奇遼東事  
平停止 桑稅桑六千五百七十六株絲四十一



斤二兩八錢該折絹三十二疋有奇絲一斤二兩  
八錢 棗稅棗二千八百三十一株賦米一百一  
十三石六升 椒稅椒四百一十五株賦鈔一十  
二錠二貫二百五十文

國朝地糧原額依照明萬歷十三年均丈冊數共地  
七千一百八十七頃四十八畝四分有奇 順治  
四年奉

旨蠲免無主荒地一千七百八十二頃二十畝六分  
有奇自順治八年至乾隆元年節次開墾荒地一



千六百二十二頃四十三畝八分有奇乾隆二十  
六年知縣韋之瑗編審通計實在熟地七千六十  
一頃九十七畝一分有奇內

水葦稻地七十二頃九十一畝四分有奇每畝徵  
糧一斗七合共粳粟糧七百八十石一斗八升有  
奇

上平地七百七十三頃四畝九分有奇每畝徵糧  
九升四合共徵糧七千二百六十六石六斗六升  
有奇



中平地一百五十二頃二畝二分有奇每畝徵糧  
八升九合共徵糧一千三百五十二石九斗九升  
有奇

下平地四千七百四十五頃六十一畝三分有奇  
每畝徵糧七升七合有奇共徵糧三萬六千八百  
八石五斗六升有奇

坡地八百四十二頃一十八畝三分有奇每畝徵  
糧五升五合有奇共徵糧四千六百五十七石八  
斗三升有奇



沙鹹淤泥地四百四十一頃九十三畝二分有奇  
每畝徵糧四升一合有奇共徵糧一千八百二十  
石七升有奇

河灘塞地三十四頃二十五畝六分每畝徵租穀  
五升共徵穀一百七十一石二斗八升

以上共徵糧五萬二千六百八十六石三斗二升  
六合有奇折色銀四萬二千九百一十六兩六錢  
四分有奇本色穀一百七十一石二斗八升外加

增絲絹銀一十五兩六錢



又平陽衛坐落本縣屯地二十七頃九十五畝五分有奇共徵糧一百一十五石七斗六升有奇折色銀八十八兩六錢一分有奇

商稅銀二十二兩二錢八分有奇遇閏加銀一兩八錢五分有奇

酒課銀一十六兩二錢遇閏加銀二兩二錢

匠價銀五十七兩六錢歸入地糧徵解

椒棗銀一兩六錢二分有奇

織造綾絹加增工費銀三十六兩二錢八分有奇



房田稅契銀

畜稅銀

牙稅銀

當稅銀以上四項儘收儘解

起運戶部項下宣府鎮大同鎮王糧加徵三關腳

價地畝九釐農桑歷年懇荒地糧土著幼丁流民

編入丁徭紳衿優免供丁吏承優免丁徭新增人

丁徭銀等項共解銀三萬三千三百二十九兩四

錢一分有奇



禮部項下羊價藥味北羊歷日絺價等項共解銀五十七兩二錢五分有奇

兵部項下柴薪直堂皂隸二項共解銀一百二十七兩一錢一分有奇

工部項下柴夫木柴麂皮折價虞衡司料新舊胖襖等項共解銀一千八百六兩五錢八分有奇

舊額存留項欸節年奉文裁扣並裁官經費等項除新增存支各項外共解銀五千一百二十五兩九錢七分有奇



置買造解紬絹並改辦本色顏料鋪墊等項共解銀一百兩五錢有奇

存留本省額編兵餉等項共解銀七千四百九十一兩二錢七分有奇

驛站抵解起運銀二千一百二十三兩八錢三分

有奇外協濟涑川驛工料銀二百五十二兩遇閏

於起運內動支二十一兩

按涑川驛舊例協濟銀兩順治三年間喜縣詳

請協馬尋議定永遠協銀官民便之

存支本縣官俸役食等項共支銀九百六十二兩



二錢五分有奇

祭祀並襍支等項共支銀二百五十兩三錢四分

有奇

丁徭

明萬歷間戶八千九百七十六口四萬二千六百

四十二均徭銀八千一百七十九兩有奇明季兵

荒頻仍止存口二萬七千九百二十七較前逃亡

過半甲申己丑兩遭兵燹戶口愈減至

國朝順治八年豁除傷亡人丁蠲免徭銀自是人民



樂業戶口日增焉

順治十一年審編實在行差人一萬八千四百六  
丁外清出土著幼丁二百四十四丁久寓流民九  
十五丁

十四年清出紳衿優免供丁八百二十六丁

十五年清出吏承優免一十五丁

康熙元年審編增二千四百九十八丁實在行差  
人二萬八百五十四丁

六年審編增一千三百八十丁實在行差人二萬



二千二百三十四丁

十一年審編增二百一丁並流民九十五丁實在  
行差人二萬二千四百三十五丁

十六年審編增一百二十七丁實在行差人二萬  
二千五百六十二丁

二十一年審編增六十二丁實在行差人二萬二  
千六百二十四丁

二十六年至四十一年四次審編增八百六十五  
丁實在行差人二萬三千四百八十九丁



五十二年欽奉

恩詔以康熙五十年審定丁冊二萬四千五百七十四丁定爲常額共徵徭銀四千八百八十六兩嗣後滋生人丁永不加賦

乾隆三十一年知縣韋之瑗以土著紳衿吏承人丁邇來貧窮逃亡者頗多而限於額坐不得與民丁同邀豁免重爲里甲之累詳請裁革土著紳衿吏承名色俱編爲民丁奉部覆准本年審編內

中下則六丁每丁征銀一兩五錢一分一厘四毫



零

下上則一百七十丁每丁征銀五錢三分四厘六

毫零

下中則二千四百五十七丁每丁征銀三錢五分

六厘四毫零

下下則二萬一千九百四十一丁每丁征銀一錢

七分八厘二毫零

以上通計共二萬四千五百七十四丁實徵銀

四千八百八十六兩五分九厘零外



地差銀三千七百五十八兩九錢七分七厘零實

共徵銀八千六百四十五兩三分六厘零

按明季戶口消

耗徭銀丁不能辨遂以此丁賦加入地畝代丁興差名曰地差至今未能歸款

平陽衛歸併本縣行差人一十丁共徵均徭銀一

十四兩五錢七分五厘五毫向係軍戶完納嗣後

屯地售之民間納丁者不種地種地者不納丁軍

戶甚爲苦累乾隆三十一年知縣韋之瑗詳請額

征徭銀攤歸屯地徵收奉部覆准



常平倉在城內貯穀一萬三千三百七石七斗有奇

社倉六十八村貯穀三千六百三十九石七斗有奇

義倉一十六村貯穀二千六百三十六石四斗有奇

鹽課

本縣額銷鹽引三千二百七十有二引



稷山縣志

卷之二

五十六

本縣前監牧三千三百四十畝

監

養食一十六林銀錢一千五百六十六畝

奇

地食六十八林銀錢三千六百三十八畝

奇

平合奇地內銀錢一萬三千二百八十八畝



戶口

國朝定例五年編查一次乾隆三十一年分知縣韋之瑗編查

本城關共一千五百四十二戶共七千三百八十七口

東南路共五千七百五十八戶共四萬九百六十

六口

西南路共六千六百四十五戶共四萬二千七百

五十口



東北路共六千三百九十二戶共三萬四千二百七十口共六千六百四十正戶共四萬二千六百西北路共六千六十五戶共三萬二千四百口

東南路共五千七百十八戶共四萬六百六十五口

本縣圖共一千五百四十二戶共六千三百八十五口

因陳安國正平縣查一次草創三十一平今賦課

口



兵防志

武事附

稷邑扼姑汾之要當秦晉之衝古用武地也自晉  
侯治兵而後如廉頗韋孝寬斛律光赫赫以武功  
顯者其故壘遺墟猶可按籍而考而嗣是虎臣輩  
出亦代不乏人焉方今

海宇廓清民不知兵百數十年然猶必舉

大閱之典廣訓練之方俾中外臣工無小大咸競競  
於太平無事之日備無虞也稷雖城守分汛而部  
伍隸平陽雄鎮亦重矣哉



明初大同正設都司故軍馬隸衛至洪熙以後始設總兵副將遊擊等官糧雖衛而軍馬列伍易衛以營後平陽亦設副將鎮守稷山隸焉

國朝順治初平陽設道標康熙元年奉裁改設提督駐平陽四年移省城十四年復移平陽後提督奉裁二十二年移太原總兵駐平陽府是爲南鎮而稷山隸之至五十七年總兵金國正以汾汎弁員往往兼領數縣地方遼濶艱於防範奏請州縣未設駐防者於百隊中拔外委把總一人領之其職



守與經制把總同於是稷山始設外委把總一人  
守兵七名駐縣城而統轄於平陽營

國朝駐防城守把總

張國富

太原人行伍

范文斌

太原人行伍

鄭奇

左衛人行伍  
雍正八年任

張加祿

太原人行伍

劉存智

陽曲人行伍  
乾隆十一年任

劉漢文

太原人行伍  
乾隆二十年任

白琳

陽曲人行伍  
乾隆二十四年任

段秀

隆三十五年任  
人行伍

朱應發

臨汾人行伍  
乾隆三十七年任

邢萬青

洪洞人武生  
乾隆五十七年任

柴述先

吉州人行伍  
乾隆六十年任

趙秉德

臨汾人行伍  
嘉慶十七年任



白大成

平陽人行伍任

陳魁

平陽人行伍任

李兆龍

太原人行伍任

墩臺

舊二十五處今存大路十三處

縣東關一

東路三澗東村一管村一王村一

西路五南陽村一馬村一吳城一下迪一薛村一

西南路四楊李村一東衛村一小甯村二西長村一

武事

縣額設民壯二十二名

春秋魯僖公九年齊侯以諸侯之師伐晉及高粱而



還討晉亂也

魯宣公十五年壬午晉侯治兵於稷以略狄土立黎侯而還

東漢靈帝中平五年黃巾餘賊郭大等起於西河白波谷寇太原河東號爲白波賊九月南單于叛與白波賊寇河東

晉建武元年晉趙固郭默攻漢劉聰河東至於絳邑西魏文帝大統三年大丞相宇文泰伐東魏略定汾絳時自河以北多附東魏西魏楊檟父猛先爲郃



郡白水令櫟與其豪右王覆憐等善陰謀舉事密相應會者三千人內外俱發遂拔郃郡櫟遂表覆憐爲郃郡守以功授大行臺左丞於是遣諜人誘說東魏城堡旬月之間正平河北南涉二絳建州大寧等城並有請爲內應者西魏因攻而拔之

東魏天平初高市貴復除晉州刺史高祖沙苑失利晉州行事封祖業棄城而還州民柴覽聚衆作逆高祖命市貴討斬之是時東雍南汾二州境多羣賊聚爲盜因市貴平覽皆散歸業



西魏大統四年王思政以玉壁險要請築城自宏農徙鎮之

大統八年冬十月東魏高歡圍西魏儀同三司王思政於玉壁城欲以致敵西師不出十二月癸未歡以大雪士卒多死乃還

大統十二年西魏以韋孝寬爲并州刺史守玉壁九月高歡傾山東之衆志圖西入以玉壁衝要先命攻之連營數十里至於城下城外盡攻擊之術孝寬咸拒破之東魏兵苦戰六旬傷及病死者七萬



人共爲一塚智力俱困有星墜於歡營衆驢並鳴  
士皆驚懼歡有疾軍中訛言孝寬以定功弩射殺  
丞相歡聞之勉坐見諸貴使斛律金作敕勒歌自  
和之哀感流涕十一月輿疾還遂殂魏文帝嘉孝  
寬功令殿中尚書長孫紹遠左丞王悅至玉壁勞  
問授驃騎大將軍開府儀同三司進爵建忠郡公  
周保定元年周以韋孝寬立勲玉壁遂於玉壁置勲  
州仍授勲州刺史齊遣使至玉壁求通互市宇文  
護令司門下大夫尹公正至玉壁共孝寬詳議乃



許之時又有汾州胡抄得關東人孝寬復放東還  
並致書具陳朝廷欲敦隣好齊遂以禮送皇姑及  
護母等歸孝寬善於撫御能得人心所遣間諜入  
齊者皆爲盡力亦有齊人得孝寬金貨遙通書疏  
故齊動靜周皆先知時有主帥許盆孝寬托以心  
膺令守一戍盆乃以城東入孝寬怒遣謀取之斬  
首而還

齊武平元年冬斛律光率步騎五萬於玉壁築華谷  
龍門二城與宇文憲拓拔顯敬等相持光乃進圍



定陽仍築南汾城置州以逼之夷夏萬餘戶並來

附

齊武平二年正月齊斛律光率衆築平隴衛壁統戎等鎮戍十有三所馬上以鞭指畫而成拓地五百里口不言功周柱國枹罕公普屯威柱國韋孝寬等步騎萬餘來逼平隴與光戰于汾水之北光大破之俘斬千計軍還詔復令率步騎五萬出平陽道攻姚襄白亭城戍皆克之獲其城主儀周大都督等九人捕虜數千人



周建德五年十一月己卯齊主聞周陷晉州自并州率衆來援周主以其兵新集且避之乃詔諸軍班師遣齊王憲爲後拒齊主至平陽率衆來追齊王憲至於高梁橋齊師戈甲甚銳憲與開府宇文忻各統精卒百騎爲殿以拒之斬其驍將賀蘭豹子山褥環等百餘人齊衆乃退憲渡汾而及周主於玉壁周主又命憲率兵六萬還援晉州

隋大業十二年絳郡賊敬槃陀柴保昌等阻兵數萬汾晉苦之



唐武德二年裴寂與劉武周戰度索原寂敗略楊郡  
公道宗年十七從秦王討賊王登玉壁城以望謂  
道宗曰賊恃衆欲戰爾計謂何對曰武周席勝鋒  
未可當正宜以計摧之且烏合之衆憚持久若堅  
壁以頓其銳須食盡氣老可不戰而擒也王曰爾  
意與我合旣而賊糧匱夜引去追戰滅之

唐興元元年晉絳慈隰節度使馬燧討李懷光率步  
騎三萬次於絳遣李自良掠定六縣

唐文德元年澤州刺史李罕之專以寇抄爲事自懷



孟晉絳數百里州無刺史縣無令長田無麥禾邑  
無烟火者殆將十年

後唐大順元年李存孝取晉絳二州

宋靖康元年秋七月都統制張思正等與金人戰諸  
軍皆潰於是汾晉澤絳民皆渡河南奔州縣一空

宋靖康二年金人陷河中府及解絳慈隰諸州

金天會五年婁室降解絳慈隰石河中岢嵐寧化保

德火山諸城

金貞祐元年十二月蒙古木華黎分兵拔取河東諸



州郡絳解二州僅能城守而村落之民皆被兵

金貞祐二年十二月徙朔州民分屯嵐石隰吉絳解等州

金貞祐四年元兵由三門集津北渡還至平陽知平陽兼都總管權宣撫使事胥鼎檄解絳吉隰孟五州經略拒之乃去

元至正十八年宋將關先生分兵出絳州察罕帖木耳還部將關保等分兵阻隘而自勒重兵屯聞喜

絳陽



明洪武元年傅友德薛顯平石州霍州猗氏平陽等處皆平

明正德十四年獮人率衆來犯境

明萬歷三十九年獮人復率衆犯境

明萬歷四十五年土賊王仲元等鼓衆刼掠揭竿稱

王知縣劉三錫勦滅之

明崇正四年流寇倚稷山爲巢穴絳垣諸州邑騷然分守河東道焦源溥練步兵五百人號黃虎將簡選僧兵數百人騎兵僅百人善以少擊衆親臨戰



陳手刃兩巨寇寇遂遁走賊點燈子自陝入山西  
臨洮總兵曹文詔追之及於稷山諭降七百人點  
燈子遁尋被獲伏誅

明崇正八年汾河南土寇楊三擁衆焚掠屯聚蔡村  
堡分守河東道柴廷桂勦滅又謙日進據衛善堡  
搶掠河北諸村叅將薛敏忠領兵勦滅

明崇正十七年冬闖賊渡河唐馬到縣搶掠焚燬官  
署民房百姓望風逃竄

明崇正十八年正月闖賊僞將白李二人屯駐邑之



東西關十餘日劫掠居民燒燬廬舍各廟樹木砍伐殆盡八月賊屠城橫屍邱積城市爲墟

國朝順治六年土賊白瑋西來據城縱兵焚掠月餘人皆逃避山中八月

王師南下陝西總督孟喬芳率滿漢官兵恢復蒲州上下夾攻所陷州縣次第收復時邑中土賊仍據險不退至十一月知縣張拱端蒞任始克恢復

粵匪朱九濤等自道光三十年由粵之全州聚衆爲匪騷擾江淮湖豫殆遍至咸豐三年自懷慶竄入



晉之垣曲曲沃平陽被害尤烈本邑男女盡逃入  
北山避難紳士率兵民晝夜守城防禦市月未得  
安息

咸豐七八年間豫省捻匪作亂去晉境止一河之隔  
上憲因飭各州縣團練鄉勇以壯聲勢同治元年  
關中回匪蜂起秦川八百里官民半遭屠戮稷濱  
大河尤在戒嚴現在團練局特製造各樣大炮軍  
器日加操練焉







